

四庫全書

史部

欽定四庫全書

萬壽盛典初集卷三

聖德一

孝德

康熙五十二年三月十八日

皇上六旬正誕允羣臣請

陞殿受朝賀先一日甲午奉

皇太后由

暢春園還

宮

初羣臣以

皇上六旬萬壽恭擬請

駕陞殿受朝賀

上方侍

皇太后於

暢春園禮臣以三月初六日啟奏典禮

上允所請乃於十七日自

暢春園全設

鹵簿奉

皇太后還宮是日天下臣民赴

闕祝釐者不下億萬由

暢春園至

紫禁城夾道綠棚綿亘數十里獻

壽迎

鑾喧闐絡繹

皇太后御填漆龍轎

皇子

皇孫扶輦步行臣民耆老婦孺竝於道左俯伏警蹕不加傳呼勿擾而恪恭肅穆與歌舞愛戴之心一時竝集

皇太后親見普天共慶率土同懽之盛

慈顏悅豫

聖心怡暢猗歟休哉誠亘古以來所未有也

十八日乙未

上率諸王貝勒貝子公內大臣侍衛滿漢大學士朝

皇太后於

寧壽宮未入八分公文武官員暨天下耆民於

午門外隨班行禮

三月十二日禮部具疏

題奏

萬壽聖節行慶賀禮儀注又另具摺奏聞

皇太后為禮儀事恭照康熙五十二年三月十八日

萬壽聖節行禮儀注是日早

皇太后儀仗於

寧壽門前陳設中和樂於簷下陳設丹陛樂於

寧壽門外南牆下兩邊陳設

皇上具禮服於

寧壽門丹陛上東旁立王公等在

寧壽門外丹陛下立大臣侍衛在儀仗末兩旁立其

未入八分公等文武各大臣官員在

午門外排立禮部堂官說與太監轉奏請

皇太后陞座位

皇太后出宮作樂陞

寧壽宮座位後

皇上於

寧壽門中檻外正中立王公等於

寧壽門外丹陛下兩旁分翼排立大臣侍衛在儀仗



末兩旁排立聽鳴贊官贊行三跪九叩頭禮其  
未入八分公等文武各大臣官員在

午門外亦同隨班行禮此行禮時作樂鳴贊官贊禮

畢

皇上回原立處立禮部堂官說與太監轉奏請

皇太后還宮作樂

皇太后還宮後

皇上還宮為此謹奏

十八日黎明

寧壽門外陳設儀仗樂器

皇上率諸王貝勒貝子公內大臣侍衛滿漢大學士至  
寧壽門序立未入八分公以下文武羣臣於

午門外序立

皇太后出宮陞座丹陛樂奏豫平之章其詞曰有懿

慈闈惟天下母厚德之符合弘九有式嗣徽音以昌厥後

寵綏受之遐不單厚福祿來求如山如阜

皇上率諸王以下羣臣行禮丹陛樂奏益平之章其詞  
曰品物咸亨景光清泰展禮孔偕式瞻嘉會金  
石相宣貫珠編貝思媚思齊德音四沛以介繁  
禧萬年保艾曰壽而臧曰昌而大行禮畢

皇太后還宮丹陛樂奏履平之章其詞曰百禮既洽燦然  
其章瑞雲承輦麗日舒長萬方玉食怡愉未央  
言還彤幄凝祉儲祥

一人有慶

萬壽無疆

皇上還宮

三月二十八日乙巳

命八旗滿洲蒙古漢軍以及包衣佐領年七十以上老

婦人俱赴

暢春園

皇太后宮門外賜宴九十歲以上及大臣之妻召至宮內  
賜坐八十歲者分列

卷三  
丹墀下宴畢

皇太后

皇上各賞賚有差

三月十七日

上諭部臣將滿漢六十五歲以上臣民查奏賜宴八旗  
滿洲蒙古漢軍以及包衣佐領無論官員閒散人等  
七旬以上老婦人查明具奏於老人賜宴後再擬定  
一日赴

皇太后宮賜宴部臣遵

旨擬於二十八日年老婦人赴

暢春園

皇太后宮賜宴又奉

特諭伊等皆係婦人而又人多似乎不便於是分別年齒凡九十歲以上及大臣之妻召進

殿內八十歲以上分列

丹墀下七十歲以上俱於

宮門外賜宴是日也時雨新晴惠風和煦副笄綸翟

望

仁壽而樞衣鶴髮皤顏向

慈寧而斂衽凡宮門內外盡瞻

帝母之尊共識

慈顏有喜而

皇太后於

上賜之外復加

恩賚以昭盛典於是諸老婦人及大臣之妻無不懽欣拜  
舞齊祝

皇太后

皇上聖壽無疆謝

恩而出至是日宴饗之隆賞賚之渥詳紀養老條中茲

不具載

臣等伏見

皇上尊養



皇太后於茲五十二年矣懽心洽於萬國玉食徧於九州  
深愛之忱久而彌篤致敬之禮進而有加如疊

上

徽號以致尊崇日侍寢門以勤溫清凡

國家大事必恭請

懿旨以肅祇承

南巡江浙北幸熱河必奉

聖母同行以極游豫至於

王師遠指

法駕省方問安之使不絕於道遇四方獻新之物雖一

瓜一果之微必遣官星馳進奉

皇太后然後供

御定省嚴焉甘旨備焉每年十月初三日

皇太后聖誕及元旦令節

皇上必詣

皇太后宮行禮以祝純嘏以祈萬壽莫不本於至性極於

自然所以超軼前聖昭示來茲者

起居既已詳註

典訓亦有專書矣夫聖人之福必本於德而聖人之德無加於孝在昔惟有虞之聖五十而慕三代以還闕有間矣至唐始崇誕聖之節元和十五年七月尚書左丞韋綬請降誕日詔百官詣光順門先賀皇太后然後上皇帝壽書之史冊光示萬古憲宗忻然嘉納至長慶元年七月降誕

日百僚於紫宸殿稱賀畢始詣昭德門外命婦  
於光順門竝進門奉賀皇太后典禮雖行後先  
失序非盛德也寶厯初復以綬所陳奏禮無所  
據竟罷不行太和七年修復祖宗故事亦不過  
以慶成節奉迎兩宮太后於宮中懽宴羣臣於  
延英門上壽而已若我

皇上孝德天成周旋中禮躬率羣臣先朝

皇太后然後受朝賀敬誠備至文物兼隆至於推恩錫類

使年老婦人咸得拜舞

慈寧均霑異數以

聖天子引年尚齒之文為

皇太后臣妾億兆之樂孝思不匱豈非聖人之極致哉孟  
子稱人慕父母惟少為然故至孝者惟舜今

皇上萬壽六旬而孺慕之誠有加無已以視五十而慕  
者猶或過之豈三代而下帝者所敢望耶臣等

躬逢

盛典雖

聖孝高深仰窺無自輒紀其實傳之億萬世以見  
皇上孝極其至德極其隆故福亦極其盛焉至

皇太后六旬七旬兩大慶所行典禮皆

天家盛事人倫極軌義得併書於左

康熙三十九年歲次庚辰十月初三日恭遇

皇太后六旬萬壽聖節

皇上御製恭祝

皇太后萬壽無疆賦敬書於屏先期初一日陳設

天府奇珍於

養心殿

皇上躬親展閱洪纖必徧採天保九如之義每物皆用  
九數黃金以九計則九九八千一也白金以九  
計則九九八萬一也以至錦繡文綺翡翠珊瑚  
火齊木難懸黎夜光極陸海之所產梯航之所  
貢難以數計枚舉者莫不稱是

初三日

皇上躬詣

寧壽宮行慶賀禮自擇玉糝萬粒以供

天厨壽膳其所進儀單并宴品名目一一詳列於後  
佛三尊

御製萬壽無疆賦圍屏一架

御製萬壽如意太平花一枝

御製龜鶴遐齡花一對



珊瑚進貢一千四百四十分自鳴鐘一架

壽山石羣仙拱壽一座

千秋洋鏡一架

百花洋鏡一架

念珠一九

皮裘一九

雨緞一九

哆囉呢一九

畢機緞一九

沉香一九

白檀一九

降真一九

雲香一九

古玩一九

畫冊卷一九

攢香一九

大手帕九九

小手帕九九

金九九

銀九九

緞九九

連鞍良馬六匹

萬方玉食宴

飯湯麵等名

萬國玉粒飯

萬縷長春麪

五嶽獻瑞點

五盤

千祥瓊液湯

四海呈祥酥糕

四盤

九有乾坤閣

九高碗

閬苑交梨火棗

蓬萊雪藕冰桃

八仙捧壽果鍾八鍾

果

西池桃實鮮桃

靈根仙種公領孫葡萄

灼灼丹華荔枝

玉瑩珠駢岡榴

安期仙棗棗

上林蘋實蘋果

閬苑花紅

沙果

洞庭朱實

橘

茂苑香橙

橙

長生壽果

延壽果

延壽仙果

長生果

金絲千縷

蓮鬚

碧雲千瓣

青蓮瓣

蓬島桃膏

蟠桃

九重嘉慶

糖李

金花獻瑞

金雀花

玉柱奇珍

蜜門冬

西王母棗

洋棗

九轉金丹

蜜金棗

絳片神漿

狀元紅

饌

萬壽無疆

福如東海

壽比南山

海屋添籌

羣仙拱壽

蟠桃勝會

百靈効順

三仙拱壽

金掌清波



河清海宴

十洲三島

受天百祿

不老仙姑

甘露垂天

南極呈祥

瑤池瑞靄

芝花獻瑞

玉液凝香

萬國來朝

萬歲長春

湯茶酒等名

與天同壽

不老湯

金芽萬葉

壽山茶

萬壽霞觴

長生藥酒

御製恭祝

皇太后萬壽無疆賦

有序

蓋聞世運昇平內庭懋儀型之慶天心錫嘏彤管高  
嫺睦之風惟度協於中和斯福昭其美脩我

聖母皇太后

仁慈夙秉

恭儉習成

濯龍明德久冠宮闈

致治宣仁胥稱堯舜茲當冬月之初正逢周甲之喜敬

泐蕪詞上介

遐壽聿抒孺慕之微忱兼採臣民之共願瞻依莫殫抃  
舞惟殷謹拜手而賦曰惟坤作則配

天行健圖籙祥呈璇衡瑞獻西池之青鳥飛來南極之明  
星乍現佐治登三流歡吹萬筐篚玉帛萬國獻其球  
琳夏清冬溫一心慰以至願婉姸降於華渚飛瓊舞  
於綺苑祈歷算之永延湛精神而靡倦挽盛沆瀣之  
漿鼎熟胡麻之飯織壽字以成圖捧霞觴而進勸序

屆初冬花明永晝欣拜舞以爭先肅趨蹌而恐後岡  
陵之禱嵩岱同魏松柏之篇椿桃竝茂雲璈響徹協  
鸞鶴以雙清砌草憂忘報嶺梅之先秀指海屋以籌  
添睇斗杓而錫祐山若積而彌深地以增而益厚普  
天率土咸頌

仁慈閭苑蓬壺齊呼

聖壽若乃春秋佳勝媚景舒徐奉晨昏於軒榭親顏色於  
庭幃岸柳汀花依依含笑隄鶯梁燕嚶嚶相呼於是

汎龍艦扶鳳輿或怡情於碧沼或攬勝於金鋪叙天  
倫之樂事暢逍遙以共娛尊養樂愜古昔所無誠乃  
邁徽猷於任姒臻至治於唐虞詠茲懿淑富有嘉祥  
身與心而俱泰福因德而逾彰謹集萬方之玉帛肅  
百序之冠裳剪鮫人之千錦貢織女之七襄寶座烟  
霏層層珠蓋博山香繞陣陣都梁樂奏雲門之曲仙  
來瑤島之疆竊欣侍奉

膝前趨迎朝暮浥霞彩於靈萱酌太和於甘露臣則稟

誨諄諄撫茲寰宇際日吉以時良樂和風而甘雨恭逢  
壽域之開虔製荒蕪之句願

母壽之靡涯享鴻圖之景祚優游悅豫金石比其堅貞綿  
亘扶疎梗楠同其蟠固愧莫罄於頌颺載降階而陳  
賦康熙庚辰十月朔日恭書

進

康熙四十九年歲次庚寅十月初三日恭遇

皇太后七旬萬壽聖節先是正月壬午

上詣

澹泊為德行宮問安傳

旨諭禮部尚書穆和倫等曰舞者滿洲歡慶之勝事向使諸王大臣行之今歲

皇太后七旬大慶之年朕亦五十有七欲親舞稱觴午時上以元宵節設宴於萬樹紅霞

皇太后陞座諸樂竝作

上近前起舞良久乃進爵三月丁亥



上謂大學士等曰

皇太后今年七秩矣應行典禮照六旬時所行之禮行著

交禮部夏月

皇上駐蹕口外預

勅養心殿監造臣趙昌等謹備儀物製造精虔

回鑾後

特命出內府所藏九州所貢奇珍瓊寶靡不悉具先以  
御製書屏頌祝

萬壽爰及冠袍簪紱錦繡珠玉彝鼎圖書金銀諸物琳琅  
充牣未可枚舉璇題標識悉取嘉名初二日臣  
趙昌王道化張常住和素奉

命齋至

寧壽宮凡百有二十餘案

皇上恭詣

寧壽宮命臣趙昌和素宣讀儀目一一皆經

聖覽親定行列珍玩金銀則陳

殿中錦繡文綺陳月臺之左其所進儀單詳列於後

無量壽佛一尊

係藏裏班  
禪喇嘛進

般若母寶勝塔一軸

係御書金字心經

御製萬壽無疆賦圍屏一架

御製萬壽如意太平花一枝

御製萬壽金簪九對

御製萬仙慶壽自鳴鐘一架

萬壽禎祥玉仙人一座

宋均窰飛戟花罇一座

永樂霽紅花露壺一對

千秋洋鏡一架

念珠一九

冠一頂

皮裘一九

雨緞一九

哆囉呢一九

畢機緞一九

沉香一九

檀香一九

降香一九

雲香一九

古玩一九

畫冊卷盆景萬年根盤一九

攢香一九

大手帕九九

小手帕九九

金九九

銀九九

緞九九

連鞍良馬六匹

萬壽盛典初集卷三

# 欽定四庫全書

史部

萬壽盛典初集卷

四至  
六

詳校官宗人府府丞<sub>臣</sub>寶光鼐

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官編修<sub>臣</sub>沈清藻

謄錄舉人<sub>臣</sub>薛炳文



欽定四庫全書

萬壽盛典初集卷四

聖德

謙德一

康熙五十一年十一月十八日和碩顯親王衍  
潢等以五十二年三月十八日恭遇

皇上六旬萬壽普天同慶請上

尊號以恆輿情以光大典

詔弗許

十一月十八日和碩顯親王

臣衍潢等謹

奏為

聖德崇隆已極臣民感戴無已恭逢

六旬大慶普天同懽請上

尊號以愜輿情以光大典事欽惟我

皇上至聖至神允文允武道貫三極勲配兩儀

御極以來敬

天法

祖勵政勤民

聖德日躋乾行無息親祀

郊

廟殫竭精誠承懽

慈闈備隆尊養篤念本支則廣推親愛加厚宗室則大沛  
恩榮宵衣旰食日親覽夫萬幾勸織省耕時殷懷於兆  
姓水旱災傷天行偶沴蠲除賑糴

惠澤頻頒歷年蠲免之數已逾萬萬而三歲一周之令

復渙

德音盛京朝鮮年穀不登

特遣官員航海運賑以水利河道所關甚要

躬臨相度指示修防南北各河皆得奠定民生漕運永

獲安瀾尤重祥刑以全民命爰書必慎決獄惟

寬屢

頒肆赦之文

特下矜全之令且優恤禁旅之勞時

沛非常之澤設官庫以濟緩急賚帑金以清宿逋一  
應遠近差役給與駝馬行糧至於用人時

命保舉以簡才能務

親引見以試賢否整嚴兵備則內外時加乎訓練追眷  
世勲則奕葉常延夫懋賞朝列舊臣務全終始  
行間宿將倍

錫恩榮察訪高年時頒優賚功則超越三謨德則包涵  
二典篤敬純孝厚澤深仁洵千古所未有也至

於三孽拒

命六師用張奮雷霆而進虎臣殄鯨鯢而為京觀收察  
哈爾於邊隅輯俄羅斯於荒服東溟逋寇悉就  
殲除塞北窮番咸歸版籍惟厄魯特噶爾丹恃  
其邊遠敢肆陸梁游噬隣藩至干

天怒當衆議之遲疑賴

聖心之獨斷大張

天討

親整王師六飛踰瀚海之津三駕極狼胥之域跋扈之  
寇終獲剪除依附之奸咸皆革面呼呼腦兒厄  
魯特及西域之土白特等遂乃輸誠款服其餘  
茅龍山寇東齊俞七打箭爐紅苗徭人黎人等  
勦撫兼行

恩威並用武功旣震於邊陲文教聿光乎時夏崇儒重  
道

親詣闕里千官陪祀九拜致虔而

御藻宸章光昭雲漢弘闡經學之精微褒錄諸賢之後  
裔

特命表揚朱子祀大成殿列十哲之班又復優禮前王  
倍崇儀典

駕幸浙省則拜祀禹陵幸秦中則

命書

御名致祭周文武陵寢幸江寧則於明洪武陵屢經拜

禮且



聖心遜敏經史融貫文藝書射超類絕羣象數歷律探  
蹟入奧帝王之聖哲誠數千年來未有如我

皇上者也今綜考輿圖東至朝鮮琉球暹羅南至交趾  
西至呼呼腦兒土白特諸域北至喀爾喀厄魯  
特俄羅斯諸部以及哈密番彝之族逐鹿使犬  
之區皆歲時朝貢輸誠恐後幅員之遼濶誠數  
千年來未有如我

朝者也邈自

皇上莅政以來五十餘年大小幾務咸仰

睿裁施行征勦叛逆悉賴

宸謨指授且

皇上親擐甲冑跋履山川寒不加裘饑不再膳與士卒

同甘苦削平寇盜誅戮止屬元愍脅從盡皆寬

宥卽噶爾丹之子宜蒙顯戮尚荷矜全納厄魯

特之款服則優給其爵祿准喀爾喀之回籍則

咸遂其生成扎薩克屬我內旗分遣教訓而捕

其寇賊朝鮮國享貢維殷屢免金幣而厚其來  
使廣柔遠之恩無分於內外勞一身以綏萬國  
誠數千年來未有如我

皇上者也是以運際昌期

一人有慶天錫純嘏

萬壽無疆率土咸寧兆民永賴似此

福壽之兼隆平成之極至誠數千年以來未有如我

皇上者也巍巍

聖德蕩蕩

神功恭遇五十年之昌運

臣

等曾率同文武大臣官員

軍民人等屢表請上

聖神文武大德廣運尊號我

皇上秉德謙沖未蒙俯允今欣逢

六旬大慶禮部請

旨又欽奉

天語煌煌

聖衷惕惕捧讀慚惶何敢再奏洪維

皇上的大德如天臣民愛戴無已萬方普慶千載一時因

是罔知罪戾再罄葵忱籲懇

皇上俯順輿情

允上尊號

綸音特沛鉅典聿昭俟

命下之日臣等繕

表於來歲元旦

皇上陞殿歡忭恭

進則

臣

等幸甚

臣

等拜首稽首無任激切屏營之至

謹此具奏伏候

勅旨本月二十日奉

旨朕臨蒞日久每於讀書鑒古之餘思念君天下之道  
惟以實心為本以實政為務若誇功德侈祥瑞加上  
尊號以取虛名無益治道朕所不喜以前諸王大臣  
等屢有奏請朕手書批示諭以斷不允行之故歷旨

甚明這所奏知道了

十二月初一日福建巡撫覺羅滿保請於九仙  
山恭建

萬壽碑亭

詔弗許

十二月初一日巡撫福建等處地方提督軍務  
都察院右副都御史臣覺羅滿保謹

題為

聖主萬壽無疆兆姓建亭恭祝籲請詳題以達輿情事  
據福建布政司署司事鹽運司運使劉涵等呈  
詳據福州等九府一州鄉紳余正健等貢生監  
生生員力子儔等耆民王萬齡等呈稱竊惟日  
月光華率土仰升恒之照星雲景慶敷天瞻瑞  
應之徵

聖壽日躋羣情雷動欽惟我

皇上



功參化育

治協唐虞

建五位以當陽山河鞏固

乘六龍而御極宇宙誠和芸生盡植夫蕃昌庶類共

登於仁壽茲值康熙五十二年恭遇

皇上六旬正誕遙瞻

北闕之巍峩莫罄封人之祝頌敬從省會恭建碑亭

山號九仙蓬島進長生之瑞亭名

萬壽乾坤彰悠久之符止同獻曝微忱奚報如天

帝德伏懇俯順輿情賜詳題達尊親有地忻忭無涯等

情到司又據福州知府姚讓等各詳同前由到  
司又承准陸路楊提督署水師提督朱總兵照  
會准漳州鎮總兵官許鳳等各移呈為

聖歷無疆軍心忭舞恭同建亭慶祝

萬年事據全省水陸各營目兵吳印等呈同前由詳咨  
到提督照會到司又准駐防福州鑲黃旗協領

范時桂等移為恭達下情共祝

萬壽事據四旗小撥什庫甲兵管士貴等呈同前由移  
司又准福州將軍標副將朱杰等詳為恭逢

萬壽共效嵩呼敬達下忱同伸慶祝事據各營目兵高  
億等呈同前由移司又據本司經歷郎文炯呈  
蒙鹽院牌為

聖壽同天萬民戴德事據通省商竈林長亨等呈同前  
由牌行經歷具呈到司又准督理海關稅務吳

爾泰移為

聖德廣被萬方建亭恭祝

聖壽事據各省商人謝國珍等呈同前情備移到司據

此該署布政使劉涵等恭照河嶽呈祥

天子懋萬年之統鳳慶協瑞

聖人昭泰運之徵華祝方長繁禧彌集欽惟

皇上

參天兩地

咸五登三

作君作師靡有一夫之不獲

允文允武式看萬國之咸寧惟

大德之諸福畢臻斯

盛世之昌期益永恭逢康熙五十二年三月十八日

為我

皇上六旬聖誕乾坤溢慶億兆騰懽獻曝心殷常切瞻

依於

北闕呼嵩念切冀深拜舞於南山虔建碑亭用抒誠敬九仙山迥長生紀寶錄之篇

萬壽亭高峻德仰崇臺之表從此

龍先日觀咸依有道綿長

鳳歷逾新共祝無疆悠久既據通省紳士耆民僉呈

又據福州等九府一州懇切具詳復准水陸二提督照會各旗營移會據經歷呈蒙鹽院牌行併准海關備移前來相應詳請代題以達輿情

據此先據通省紳士耆民商賈旗營兵丁等各  
具詞到臣欽惟我

皇上

聰明睿知

文武聖神

行健法天聲教光昭於四表

安貞應地德威宣布於八紘大一統之車書玉帛共  
球萬國梯山航海高百王之制作典謨訓誥千

秋仰日瞻雲

時邁省方先閭閻而憂樂

蠲租賜復登億兆於豐寧仰

睿慮之周詳河渠底定本

聖心為矩矱理學昌明欽恤期於無刑豫大徵乎有象

巍巍

帝德咏歌莫罄其揄揚蕩蕩

皇功史冊難名其美盛惟此太和之翔洽聿宜



景福之懋膺今康熙五十二年三月十八日恭遇

六旬正誕

萬壽昌期率土同歡普天胥慶顧閩疆之黎庶雖遠

京畿而

聖主之生成無殊衽席頻蠲正賦

恩流紫野青郊

特發天儲喜溢茅檐部屋五十餘年之

深仁厚澤無遠弗周億千萬姓之巷舞衢歌有懷莫報

欽定四庫全書

萬壽盛典初集  
卷四

十三

茲據通省紳衿士庶旗營兵丁翹首陳情環庭  
布悃敬擇九仙勝地爰興

萬壽碑亭

臣

等慰諭頻加衆志歡欣倍切僉謂望雲霄

而華祝無非獻曝微忱瞻山嶽以嵩呼實出抒  
葵至願地不愛寶落其實而取其材農有餘閒  
鳩乃工而庀乃事已見美輪美奐昭盛事於萬  
年式同靈沼靈臺告成功於不日

臣

等生逢泰

運位竊崇堦共覩黎元頌

聖之誠益勵臣子報

君之志惟願

皇圖鞏固

寶歷綿長日之升月之恒祿位名壽羣歸

大德聖人天所覆地所載南北東西共祝

太平天子緣係通省紳士兵民在於九仙山鼎建

萬壽碑亭恭祝

聖壽事宜

臣

不敢壅於

上聞臣謹會題伏乞

皇上睿鑒施行康熙五十二年二月初三日奉

旨凡碑亭不必建造已有諭旨甚明滿保於九仙山建造碑亭不合著飭行該部知道

十二月十九日鎮海將軍馬三奇以五十二年三月十八日恭遇

皇上六旬萬壽請上

尊號

詔弗許

十二月十九日鎮海將軍世襲一等侯又一拖

沙刺哈番加六級

臣馬三奇謹

奏為

聖主功德應地配天率土臣民瞻雲望日恭請加上

尊號以昭盛典以慰輿情事竊惟聖神文武之號肇自

虞書祿位名壽之稱傳於尼父蓋有其實自必

得其名而感之深所以望之切未有豐功偉烈

集三王五帝之大成振古超今享一統萬年之

景福如

聖主今日者也欽惟我

皇上

盡善盡美

作君作師

御禹甸於八齡德本神授頌

堯年之六秩福與天齊上侍

聖母之起居必敬必誠而允稱大孝遠紹皇初之治統惟  
精惟一而直接真傳振武功則閩粵風清滇黔  
月朗皆出

九重之勝算敷文德則澎臺設郡沙漠稱臣獨開千古  
之鴻圖賜復蠲租俾海澨山陬共樂昇平之世  
緩刑宥罪使含生戴髮羣遊熙皞之天旰食宵  
衣無非治益求治安益求安之德意右文稽古  
悉皆道之以德齊之以禮之盛心凡此泰運常

欽定四庫全書

萬壽盛典初集  
卷四

六

亨總見乾綱獨攬堯舜禹湯文武未有過焉漢  
晉唐宋元明孰能及此自應俯順輿情恭請加  
上

尊號乃<sub>臣</sub>於康熙四十二年合疏上請復於康熙五十  
年專奏具陳而我

皇上聖不自聖所以

明旨謙而又謙未允准行難安寤寐茲者來春令序欣  
逢



聖壽昌期八千歲以為春八千歲以為秋初周甲子億  
萬人之善頌億萬人之善禱不老河山在臣等  
犬馬報答之私既已共相激切而京口兵民呼  
籲之衆更見莫不尊親伏祈

皇上俯念民心即係天心今禮本於古禮

勅儀曹之擬議上

尊號之崇高則

聖德神功與日月而並曜金甌玉燭如松柏之長春矣

欽定四庫全書

萬壽盛典初集  
卷四

七

臣  
無任踴躍歡忭謹同副都統  
臣周良相  
臣劉  
起芳合詞陳懇伏祈

皇上睿鑒勅部議覆施行康熙五十二年正月二十四

日奉

旨已有旨了該部知道

萬壽盛典初集卷四

欽定四庫全書

萬壽盛典初集卷五

聖德二

謙德二

康熙五十二年正月十三日兩廣總督趙宏燦

等請建

萬壽宮亭并請

御書匾額

詔弗許

正月十三日總督廣東廣西等處地方兼理糧

餉兵部右侍郎兼都察院右副都御史

臣

趙宏

燦巡撫廣東等處地方提督軍務兼理糧餉都

察院右副都御史

臣

滿丕謹

題為

聖主六旬大慶

臣

等敬建

萬壽宮亭以申華祝并請

御書匾額光昭萬禩事竊照康熙五十二年序屆三春

令節恭逢

萬壽昌期甲子初周普天同慶

臣

等伏惟

皇上聖明臨御久道化成五十餘年深仁厚澤愛育黎  
元久已淪肌浹髓而風聲所被無遠弗屆梯山  
航海之國莫不歸誠

皇上之聖神廣大雖唐虞三代之隆未有能及也

臣等

恭逢盛世身受

洪恩顧浩蕩之難名愧涓埃之未報謹於廣州城擇地

鳩工捐建

萬壽宮亭至期羣集舞蹈慶祝

聖壽准將軍

臣

管源忠副都統

臣

何天培咨據駐防廣

東八旗四營官兵各願捐建又據廣東布政使

臣

王用霖等具詳闔省司道府州縣佐貳雜職

等官咸願捐俸共襄盛事以報

皇恩并據各鎮協營官兵闔省紳衿士民商賈紛紛環

集

臣

等衙門具呈口稱感戴

聖主高厚之恩無由仰報萬一各願捐資助建堅請再  
三臣等目覩輿情真切但臣等仰體

皇上恤兵愛民至意不費兵民一絲一粟隨論文武大  
小各官捐俸建造猶如爾等捐建無異只須同  
來叩祝

萬壽即是爾等誠心等語反覆慰諭并允其上達  
天聽衆始欣躍叩首齊呼

萬歲無疆歡聲震地所有官紳兵民人等踴躍慶祝情

由相應奏明并請

皇上恩給

御書匾額俾

臣

恭製懸挂時時瞻仰如覲

天顏且使邊海黎元以及外洋彝人獲覩  
綸翰共相拜舞由此億萬斯年永祝

聖壽於勿替矣

臣

等謹會同具摺

奏

聞三月初九日奉



旨宮亭不必建造該部知道

二十二日兩江總督赫壽等以五十二年三月十八日恭遇

皇上六旬萬壽請上

尊號

詔弗許

二十二日總督江南江西等處地方軍務兼理糧餉操江兵部左侍郎兼都察院右副都御史

加四級

臣赫壽謹

題為

聖德獨高千古請上

尊號以光大典以慰輿情事據江南通省紳士叢澍等  
呈稱紫極呈祥兆姓進升恒之詠丹宸掞藻臣  
工仰奎壁之光遡華祝於堯階效嵩呼於舜陛  
臣民抃舞中外騰歡欽惟我

皇上

道隆千古

德邁百王

文教覃敷普天興仁興讓

武功丕顯薄海來享來王數十年蠲賑頻施史書罕  
見億萬載

皇圖永固歷數彌長瑞靄氤氲春風披拂河已清而海  
已晏感瑞應於天庥老者安而少者懷詠熙皞  
於

聖世恭遇康熙五十二年之寶歷欣逢

皇上六旬萬壽之昌期澍等名列鴈行情深雀躍開闔  
闔於九天香飄華蓋拜冕旒者萬國彩煥金莖  
祝堯莢以延年傾葵衷而向日公籲陳情請上  
尊號伏願

俞旨一頒史冊光昭於奕禩垂訓萬世懿謨遠邁於前  
王矣為此合詞恭懇伏乞繕疏代題等情又據  
江南儒學文武生員吳啟昆等呈為

聖壽之花甲初度輿情之愛戴彌殷恭懇代題請上  
尊號以垂盛典事呈稱竊惟景運靈長際升恒而竝燦  
鴻圖鞏固侔天地以同春揚復旦之光華慶中  
天之德曜欽惟我

皇上

宏開壽域

徧覆慈雲斗指宸垣天運麗

長生佳節星輝南極人心快

有道昌期

疊沛深仁屢下蠲租之詔

弘敷大澤頻頒宥過之文崇祀先賢配明禋而升位  
優隆後學廣科甲以連茹斯誠亘古所未見真  
乃萬世所難逢第以

九重高遠儒林之感頌難通而一德同心

帝座之敷宣有路伏懇片言轉為入告請於

萬壽之辰允上

至尊之號庶愛戴不以微賤而遺輿情端藉代題得達  
矣等情又據通省水營兵丁李興長等呈為  
聖德彌崇普天共戴仰懇代題請上

尊號以光鉅典以慰輿情事呈稱

一人有道四方歌樂利之休

仁壽無疆萬國慶昇平之治

恩波惠澤本浩蕩以難名履厚戴高效嵩呼而恐後光

騰北極瑞應南天欽惟我

皇上

文謨武烈

堯勲舜華

體乾德之健行民安物阜

秉坤貞以淵穆海宴河清

文德覃敷訖聲教於海宇

武功赫濯靖烽火於遐陬興長等戎馬行間兜鍪下

士久沐豢養之殊恩更荷鄉科之曠典恩膏稠



疊莫報涓埃恭逢

萬壽昌期敢效華封之祝遙叩

九重宮闕難通螻蟻之忱為此合詞公籲代為題達請

上

尊號用慰輿情

恩綸一下萬姓歡呼版冊昭垂千秋生色等情又據耆

民張國祥等呈為

聖壽彌高黎民歡慶公懇代題以達誠悃事欽惟

皇帝陛下

功蓋湯武

德邁唐虞

偃武修文彌著聲靈赫濯

宗儒重道聿昭懿德光華愷澤覃敷於萬方徽聲宣  
播於千載維茲三月十八日恭遇

皇上六十之昌期五十有二年適逢

聖誕周甲之大慶箕疇斂五福啟萬年永命之期華祝

願三多協千載貞符之會九州四海白叟黃童  
願將版籍之年庚獻作

一人之歷數請崇

尊號以揚盛典伏乞俯鑒下情特疏具題使小草之向  
陽有志輿情之愛戴彌殷得以上達等情各具  
呈到臣據此欽惟我

皇上

德合乾坤

治隆堯舜

金甌永固邁功業於百王

玉燭長調開太平於萬禩寰區敦教化從來未臣之  
邊陲已臣宇內戴仁威自古未闢之版圖盡闢  
春光披拂快值良辰瑞靄氤氲欣逢

聖誕中外覩河清海宴朝野樂物阜民安叨覆載者五  
十二年共慶歷圖伊始被化育者億千萬國同  
祝

聖祚無疆備祿位名壽之全極文武功德之盛宜著非常之大典以垂萬世之弘謨今據江南通省紳士叢澍等生員吳啟昆等兵丁李興長等耆民張國祥等請上

尊號以光大典以慰輿情各具呈環臣衙門公懇代題  
臣見紳衿士民兵丁仰望之切實出至誠不敢壅於

上聞謹據輿情恭疏具題伏乞

皇上睿鑒俯賜俞允施行臣會同總督漕運臣郎廷極

總督河道臣趙世顯江寧巡撫臣張伯行安徽

巡撫臣梁世勲江南提督臣師懿德合詞具題

為此具本謹

題請

旨二月十五日奉

旨已有旨了該部知道

二十九日福建巡撫覺羅滿保請於臺灣建

萬歲龍亭恭祝

聖壽

詔弗許

二十九日巡撫福建等處地方提督軍務都察

院右副都御史

臣

覺羅滿保謹

題為

皇恩浩蕩薄海歡呼臺郡籲建

萬歲龍亭以祝

聖壽事欽惟

皇上

乃聖乃神

允文允武

建地久天長之業四海傾心

立王馳帝驟之勲萬方歸極歷周甲子久看海不揚

波運合貞元遙聽嵩皆呼祝茲臺郡雖居海外

幸際昌期競思拜舞霑膏澤而風和雨潤凡山



川阡陌共被恩波興文教而雲爛日華卽草木  
禽魚咸登樂國及孤有恤恒忘庚癸之呼挾纊  
知溫樂効馳驅之職夫惟

一人之湛恩汪濊滄海同深是以衆志之抃舞歡欣康  
衢共祝茲於臺灣府治之永康里敬建

龍亭恭慶

萬壽旣准臺灣鎮道據紳衿耆民兵丁番黎等呈詞并  
所屬文武申請詳報前來臣不敢壅於

上聞相應具疏謹

題三月初五日奉

旨已有旨了該部知道

二月初六日浙江巡撫王度昭請建

萬壽碑亭并請

御書匾額

詔弗許

二月初六日巡撫浙江等處地方提督軍務兵

部右侍郎兼都察院右副都御史加三級臣王  
度昭謹

題為

聖壽之綿長共慶輿情之頌禱彌殷願建碑亭以遂瞻  
仰事據闔屬紳衿士民汪朝等呈稱冀英產伊  
耆之世衍歷無窮洛書出文教之朝添籌莫算  
享脩齡而多祉祝詞最善於封人本大德以得  
名福應尤稱於孔子凡皆聖主之盛事詎如今

日之弘庥欽惟我

皇上

德協乾坤既博厚高明悠久之皆至

道隆今古復聖神文武仁智之咸周

學貫天人探典墳於勅幾之暇

藝超漢魏錄金石於勤政之餘言治必澄本以清源

敷教則緩刑而尚德克勤克儉芻蕘襍穢皆入

耕織之圖惟恕惟平犴狴桁楊悉登仁壽之域

蠲租之

詔疊下化為四海炊烟發賑之典頻行盡被九州雨露  
至耆老上蒙

恩卹遐邇胥歡在節孝仰沐

褒崇幽潛亦顯虛恭禮下

壽考作人西清接講幄之臣

恩全終始南館盛登瀛之士彙拔茅茹類額頻加芹水  
魚龍競起制科增設棘闈桃李爭芳文教覃敷

武功兼懋闢從來未闢之疆土一統車書隸自  
古未隸之臣民萬方玉帛是以海隅日出悉仰  
皇仁僻壤茅檐普霑

帝澤莫不婆娑於日升月恒之代休養於河清海晏之  
時矧夫浙省屢遘

時巡尤霑

天澤免漕曠典特厚於苕霅之鄉

賜稅弘施先被於吳越之地民生塵慮籌積貯以防饑

歲稷勞心遣臣僚而監賑築海塘而金錢不惜  
永靖風濤濬水利而溝洫皆通無憂旱澇民安  
物阜早知姬歷無疆景淑春和恭遇

堯年周甲每懷

至德莫過羣情三竺六橋稱咒觥而欲獻鴛湖鵲水為  
春酒以介眉太末耆黎瞻

天叩首稽山士女望

闕呼嵩合樸邀之愚忱慶休嘉之盛遇伏懇俯從輿

志請建碑亭鋪張莫上之弘規揚厲無前之偉績將見穹碑屹嶮與

聖節而恒留畫棟輝煌竝

皇猷以久峙庶飲和食德既詠歌卜年卜世之謨而望日瞻雲得常表誠歡誠忭之志矣等情又為四民同感

皇仁衆商尤霑

聖澤願效封祝以展輿忱事據兩浙鹽課商人汪福玉



等呈稱竊惟午市開於帝世久傳無虞無詐之  
風鹽莢盛於姬朝共說利國利民之術蠙珠石  
磬禹貢早記其文橘柚菁茅職方亦志其物必  
使出塗者咸頌要期藏市者胥歡惟我

皇上六府孔修既金木水火土穀之咸裕三事允治復  
正德厚生利用之皆宜勤以導民四海自安樂  
利之舊儉以立則

一人不乏澣濯之風本末兼資已見菽粟多於水火珍

奇不尚自將珠玉賤於泥沙弛海禁以予民吉  
貝金顏盡供服御開關門以懷遠雞香花蓋悉  
佐恒需樵使必遴其人巡饒更重其任俾擅心  
計者稱素封於寬大之時而逐廢居者獲恒足  
於雍熙之世虎鹽玉米得佐丞嘗梗楠豫章足  
資梁棟幾見金刀朽貫屢逢紅粟遺塗統由

至德之涵濡以致比里之殷阜且因浙中商盛特加泮  
水額名郡邑三庠多士沐菁莪之化歲科兩試

百人仰雲漢之垂戶戶絃歌奎壁光騰於斥鹵  
家家誦習縹緗焜煜於鹽人樂

文治之無遺感

天恩之丕著序惟三月春滿千郊欣逢

聖主耳順之辰實深草野嵩呼之願在昔

翠華屢幸濱海共識

天顏惟茲

聖甲初周江甸咸思華祝東來紫氣籠罩於龍山鳳麓

之間北望祥光徧覆於越水吳山之境鶯啼柳  
浪盈眸咸若情形魚躍花溪滿目嬉遊景物杏  
村酪熟爭思挈榼以陳茅舍釀成競欲躋堂而  
獻舳艫雲集於柳市共聆動地歡呼燈毬烟繞  
於花城恍接釣天笑語第留金石之蹟庶存美  
盛之觀伏懇俯鑒商忱永鐫碑記築亭於萬姓  
觀瞻之地垂輝於千秋頌禱之區從此閱十載  
而遞新巍我增建將見歷萬年而不朽金碧長

輝庶挾策謳吟嘗仰高天厚地而擔書誦讀時  
忻就日瞻雲矣等情又為兵弁久沐

君恩

聖壽欣逢周甲羣情踴躍請建碑亭事據撫提通省目  
兵張鳳政等呈稱竊惟

聖德與天地同其悠久史冊輝煌

皇猷與河嶽並其貞恒詩書炳赫軒帝著武威於涿鹿  
祕發仙傳殷宗振撻伐於淮方謨標星輔夢傳

九齡之異治惟百歲之勤固多文德之弘宣實  
羨武功之懋著孰如我

皇上德威遐暢合東西南朔以來王謨烈光垂兼祿位  
名壽之具美漸仁摩義治化軼漢唐宋而加淳  
樂備禮明制度兼夏商周而益善南平三孽北  
靖諸蕃運淵深之妙算如江如漢虎旅一振而  
螳臂旋摧出敏捷之神機若霆若雷隼旟乍搖  
而狐鳴絕響於是幅員極於莫外疆域靖以無

虞暢震疊之聲靈共球畢至凜潛滋之教化詩  
禮遙馳雖已橐矢橐弓而備常不廢亦旣閱兵  
講武而學必兼明校騎以察其能每聞

溫語臨賜以厚其意恒沐

殊恩赴赴武夫得與鷹揚之宴桓桓虎士獲看

禁苑之花峻極宮牆禮叅一體煒煌

上諭講解羣聞糗糒惟時兜弁飽騰於帳下芻糧無缺  
驪黃奮迅於營中思恭養之有年感涵濡之已

久矧江城組練樂

時巡而獲覲

天顏海甸水犀遇

親操而常蒙

恩賚巍峩孤嶼儼披闔闔千門淡蕩西湖曾效昆明萬  
旅已極一時之盛自然百世難忘今逢

聖甲初周倍覺興情欣躍柳營日永千花盡學葵傾虎  
帳樽開一觥共思芹獻旣喜河清有頌浪涌桃



花更幸海晏無波雲開瀛島望觚稜而遙叩三  
祝堪誇瞻斗極而歡呼九如足繼但必鐫諸碑  
記始能久峙山河籲懇允建碑亭用慰羣願俾  
投戈講學仰止弗諼且戴

德銜

恩謳歌不置庶五十餘載之惠澤與越水而長流而億  
萬斯年之歷傳共吳山而永固矣等情布政使  
司徐欉等會詳欽惟我

皇上

道配乾坤覆載必貞乎悠久

明同日月照臨咸戴夫升恒

聖德神功普天同慶

深仁厚澤率土均霑欣逢

六旬撫御之昌期正乃萬年歷數之伊始覩太平之盛

事頌

聖壽之無疆茲據通省紳衿商士兵民合詞公報暨建

萬壽碑亭以繼九如之祝永垂頌禱之區等情到

臣據

此欽惟我

皇上

治隆今古

德邁唐虞

化育同天啟仁壽無疆之域

恩膏匝地開聖神有道之長欣逢五十二年之

昌期恭遇

六旬萬壽之初度普天同慶率土騰歡據此輿情懇切

臣不敢壅於

上聞謹

題請

旨三月初二日奉

旨碑亭不必建造已有旨了該部知道

萬壽盛典初集卷五

欽定四庫全書

萬壽盛典初集卷六

聖德二

謙德三

三月二十日和碩親王衍潢等請以

萬壽節慶祝盛典宣付史館撰文立碑以垂永久

詔弗許

三月二十日和碩顯親王

臣

衍潢等謹

奏為

聖壽無疆大慶普天頌禱難名恭請宣付史館記載碑

文以慰輿情以垂永久事欽惟

皇帝陛下

惇大裕民視中外爲一體

憂勤飭治垂法則於萬年

大孝格天

至仁匝地惟

聖德日茂合撰乾元斯

福壽兼隆同符大造

允文允武教化浹於遐方

克寬克仁恩澤及於庶類自

御極五十二年以來內安外靖皆出

廟算之周詳肆赦頻蠲總賴

宸衷之獨斷

憂勞節儉以爲萬姓而非圖一己之安

敬止緝熙以孚萬年而不僅一時之計有感必通至

微畢照仁民愛物始自親親尊位重祿同其好  
惡外自公卿以至匹夫匹婦無不霑被

厚恩內自親王以至九族九宗無不感蒙

聖澤恭遇

皇上六旬大慶天下臣民踴躍歡呼齊集

京師經營不愛其財子來不惜其力自

暢春園以至京城繡幙懸燈錦樓結綵不分晝夜巷

舞塗歌十七十八兩日



皇太后

皇上進宮鑾輿出入以天下之樂爲樂不加警蹕使得

共仰

天顏文武官員老幼婦子萬萬百姓道左焚香頌禱之  
聲不絕實係古今未有史冊未聞之事也臣等

蒙

恩最重仰見

洪福齊天歡聲動地不勝抃舞伏祈

勅下內閣大臣以今日盛事命史臣編次勒石立碑其  
應在何處立碑請

勅下該部確議奏

聞倘蒙

俞允則四海之輿情大慰萬年之盛事永垂矣爲此謹  
題請

旨本日奉

旨此事伊等自然記著不必立碑

四月二十四日和碩親王衍潢等復請建立

萬壽碑文

上仍不許

四月二十四日和碩顯親王

臣

衍潢等謹

題爲

聖德貫乎上下

大慶洽夫神人請紀盛典永垂萬年事欽惟我

皇上睿質天亶至仁至聖君臨天下撫綏萬國誠越百

王而邁千古恭逢

皇上六旬大慶衆心感戴不能自己具疏請上

尊號奉

旨未允臣等從前疏內所稱

聖德神功俱係實事竝非虛語我

皇上御極以來五十二年間敬

天法

祖勵政勤民不遑日昃親祀

郊

廟殫竭精誠承歡

慈幃備隆尊養篤念本支則廣推親愛加厚宗室則大沛  
恩榮宵衣旰食日親覽夫萬幾勸織省耕時殷懷於兆  
姓水旱災傷天行偶沴蠲除賑糶

惠澤頻頒歷年蠲免之數已逾萬萬而三歲一周之令  
復渙

德音盛京朝鮮年穀稍歉

特遣官員航海運賑又以水利河道所關甚要

躬臨相度指示修防南北各河皆得奠定民生漕運永  
獲安瀾尤重祥刑以安民命爰書必慎決獄惟  
寬屢

頒肆赦之文

特下矜全之令且優恤禁旅之勞時

沛非常之澤設蓋營房俾獲寧宇立官庫以濟緩急  
賚帑金以清私逋一應遠近差役給與駝馬行

糧至於用人時

命保舉以簡才能務

親引見以試賢否整嚴兵備時加訓練追眷世勲則延  
懋賞以及於累葉特編史冊則錄副本以

賜其後人追念舊勲均

錫爵位朝列舊臣務全終始行間宿將倍

錫恩榮察訪高年時

頒優賚功則超越三謨德則包涵二典篤敬純孝厚澤

深仁洵千古所未有也至於三孽拒命

特指授方畧用張六師量地方之遠近山川之險要水  
陸竝征舟騎兼行奮雷霆而進虎臣殄鯨鯢而  
為京觀收察哈爾於邊隅輯俄羅斯於荒服東  
溟逋寇悉就殲除塞北窮番咸歸版籍惟厄魯  
特噶爾丹恃其邊遠敢肆陸梁游噬隣藩至于

天怒當衆議之遲疑賴

聖心之獨斷大張



天討

親整王師六飛踰瀚海之津三駕極狼胥之域跋扈之  
寇終獲剪除依附之奸咸皆革面呼呼腦兒厄  
魯特及西域之土白特等遂乃輸誠款服其餘  
茅龍山寇東齊俞七打箭爐紅苗徭人黎人等  
勦撫兼行

恩威並用武功旣震於邊陲文教聿光乎時夏崇儒重  
道

親詣闕里千官陪祀九拜致虔而

御藻宸章光昭雲漢弘闡經學之精微褒錄諸賢之後

裔

特命表揚朱子祀大成殿列十哲之班又復優禮前王

倍崇儀典

駕幸浙省則拜祀禹陵幸秦中則

命書

御名致祭周文武陵寢幸江寧則於明洪武陵屢經拜

禮且

聖心遜敏經史融貫文藝書射超類絕羣象數厯律探  
頤入奧帝王之聖哲誠數千年來未有如我

皇上者也今綜考輿圖東至朝鮮琉球暹羅南至交趾  
西至呼呼腦兒土白特諸域北至喀爾喀厄魯  
特俄羅斯諸部以及哈密番彝之族逐鹿使犬  
之區皆歲時朝貢輸誠恐後幅員之遼濶誠數  
千年來未有如我

朝者也邈自

皇上莅政以來凡大小幾務咸仰

睿裁施行征勦叛逆悉賴

宸謨指授且

皇上親擐甲冑跋履山川寒不加裘饑不再膳與士卒

同甘苦削平寇盜誅戮止屬元愍脅從盡皆寬

宥即噶爾丹之子宜蒙顯戮尚荷矜全納厄魯

特之款服則優給其爵祿准喀爾喀之回籍則

咸遂其生成扎薩克屬我內旗分遣教訓而捕  
其寇盜念朝鮮國享貢維殷屢免金幣而厚其  
來使廣柔遠之恩無分於內外勞一身以綏萬  
國誠數千年來未有如我

皇上者也是以運際昌期

一人有慶天錫純嘏

萬壽無疆率土咸寧兆民永賴似此

壽福之兼隆平成之極至誠數千年以來未有如我

皇上者也此皆普天率土所共覩聞巍巍  
聖德蕩蕩

神功

恩澤廣布淪肌浹髓是以今歲三月恭逢

萬壽王以下大臣官員軍民人等自初一起恭祝

萬壽外省耆老雲集

京師各獻維祺無分貧富均効葵忱我

皇上於老幼黎庶俱

賜恩饌離任老臣倍加榮賜又六十五歲以上年老男婦齊赴筵宴各賞衣服緞疋銀兩等物

皇上手書諭旨給與來京耆老著各訓子弟敦行孝弟勤治農桑又因

大慶廣沛

恩綸頒

詔天下越

聖壽之日期而天降時雨大沛甘霖如此

德福兼隆神人共慶誠自古所未有也臣等合詞恭疏

懇將

聖朝盛事永垂勒石奉

旨未允臣等仰望之心萬不能已臣等躬逢

盛世幸遇

大聖人在上若不彰明

聖德闡揚神功後世將謂有此臣等更何以自安

再四思維實不容已臣等至愚至昧未能盡述



我

皇上崇功峻德深仁偉烈謹據衆所共覩聞者勒之貞  
珉用昭萬年垂之無極為此謹具

奏

聞等因本月二十九日奉

旨建碑等事屢旨甚明這所奏無益該部知道

從來古帝王德隆道洽告成功於天地則有封  
禪之典登泰山禪梁父啟金泥玉檢之藏飛英

聲而騰茂實厚福慶以篤民生蓋七十二代之  
君踵相接也至若文德武功巍巍蕩蕩深仁厚  
澤洋溢六合一時公卿士庶沐如天之化際明  
盛之休相與崇尚尊號以抒悃忱蓋稽古放勲  
重華之稱文武聖神之頌而竊仿其意有唐以  
來實始行之以後奉為故事雖其間賢君誼辟  
亦未嘗不以之垂世示典焜耀史冊蓋紀颺頌  
於廷陛聆謳歌於草野尊親之戴四海同風用

以敷揚至治潤色鴻業誠盛典也我

皇上臨御五十餘年兢兢業業無日不以敬

天法

祖爲念旰食宵衣上奉

慈寧宮備極尊養敦睦九族協和萬邦勵政勤民正禮作

樂宇宙登於仁壽天地底於平成誕敷文德煥

乎有章

綸音宣布允與二典三謨光昭天壤每歲

臨御經筵講求治平之要崇儒重道躬詣杏壇行釋奠之禮

萬幾稍暇即綜覽羣書上自典墳下及子史百家天文地理樂律歷數諸書靡不探蹟窮源條分縷晰勒為成書昭示萬世至於除殘去暴大奮武功蕩平三孽綏靖海隅三征噶爾丹韃靼親臨寒不加衣饑不再食以

萬乘之尊與士卒同甘苦六師用命電掃風馳不崇朝

而凱旋告廟東西朔南聲教四訖以及殊方異域梯航萬里重譯來朝幅員之廣自開闢以來未之有也彌復

軫念民生普天之下有一夫之不獲咸在

帝心黃淮合流為東南之患於是規度形勢指授方畧水伯效靈河工奠定重念穡事為民生大命每歲首必

親祀祈穀匕鬯告虔比年以來野有多魚之兆史書大

有之祥猶且蠲租賜復惠澤頻施平獄緩刑欽  
恤備至耕鑿作息之民固已熙熙然見唐虞三  
代之風矣若夫造士作人闢門籲俊屢增解額  
特詔開科

御製訓飭士子文頒示天下釐剔官方內外大吏下至  
州縣末職俱引見

殿墀量才授任揚清激濁大法小廉吏治旣清四民  
樂業風俗之美比戶可封和氣致祥百靈薦祉

是以膏雨降瑞麥登榮光四塞河潤千里山川  
獻其禎瑞雲物吐其光華湛恩汪濊率土蒙休  
先天之下至於海隅蒼生靡不咸若矣乃康熙  
二十三年詞臣曹禾請行封禪

皇上再三不允昔建武先却封禪後感會昌符復議行  
之未有若我

皇上之至誠堅却始終讓而不居者也然猶曰封禪之  
事功成告天帝王躬行之非臣下所能請也至

於尊號之請則出於臣民拜手贊揚之意以章  
駿烈鴻休奉之者無私受之者不愧昔唐宋之  
君功德不逮

皇上至遠也然天寶元年感靈符之應遂上尊號宋天  
禧元年秋七月乾興元年春二月以羣臣請亦  
上尊號告宗廟而名正質人民而言順矣矧我  
皇上功德至隆極盛不啻咸五帝登三王於以昭至德  
於萬世垂鴻號於無窮何多讓焉乃自三藩蕩



平之後羣臣即請上

尊號其後平臺灣則又請平噶爾丹則又請四十一年十二月憲臣等公疏請四十二年正月諸王大臣及文武大小官員請上

尊號曰

聖神文武大德廣運皇帝四十四年五月科道官又公疏請五十年三月諸王大臣官員復合詞籲請  
我

皇上謙德沖懷溫綸慰荅俱堅辭不許茲康熙五十二

年恭屈

萬壽六旬久道化成時雍風動皆由我

皇上功德隆盛坐致昇平諸王臣民復合詞有

尊號之請我

皇上即俯順輿情加上徽號慰率土臣民之望愜天下

愛戴之心適足以昭至治之無外乃

諭旨諄諄允恭克讓堅不允行惟

萬壽節陞殿一受朝賀而其他請立碑文則却之請建  
宮亭龍亭則又却之謙沖之德久而彌光蓋自  
有書傳以來未有謙德若斯之隆者也仰惟我  
皇上於堯舜事功之外探性天之祕奧抉聖道之淵微  
於十六字之心傳與之默契而無間故能不事  
虛文不蹈故轍無論唐宋以來之空名屏而不  
居即七十二君登封告成之典行之於先而無  
異詞者以我


皇上視之泊如也

臣等生逢

盛世幸際

昌期不克仰贊

高深於萬一而謹誌其大畧如此



萬壽盛典初集卷六